



**ს ა ქ ა რ თ ვ ე ლ ო**  
**თერჯოლის მუნიციპალიტეტის საკრებულო**  
**G E O R G I A**  
**M U N I C I P A L I T Y C O U N C I L O F T E R J O L A**



განკარგულება:გ-29. 2925064001

თარიღი:05/03/2025

**„თერჯოლის მუნიციპალიტეტში რეგისტრირებული აუტისტური სპექტრის მქონე ბავშვთა რეაბილიტაცია/აბილიტაციის 2025 წლის პროგრამის დამტკიცების შესახებ“ თერჯოლის მუნიციპალიტეტის საკრებულოს 2025 წლის 15 იანვრის N გ-29-292501512 განკარგულებაში ცვლილების შეტანის თაობაზე**

საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის პირველი პუნქტისა და საქართველოს ზოგადი ადმინისტრაციული კოდექსის 63-ე მუხლის შესაბამისად, თერჯოლის მუნიციპალიტეტის საკრებულომ

**გადაწყვიტა:**

**მუხლი 1.** შევიდეს ცვლილება „თერჯოლის მუნიციპალიტეტში რეგისტრირებული აუტისტური სპექტრის მქონე ბავშვთა რეაბილიტაცია/აბილიტაციის 2025 წლის პროგრამის დამტკიცების შესახებ“ თერჯოლის მუნიციპალიტეტის საკრებულოს 2025 წლის 15 იანვრის N გ-29-292501512 განკარგულებაში და დანართის მეორე მუხლი ჩამოყალიბდეს ახალი რედაქციით:

**„მუხლი 2.**

პროგრამა ითვალისწინებს თერჯოლის მუნიციპალიტეტში რეგისტრირებული 2-16 წლამდე ICD10 პროგრამის ვალიდური დიაგნოზის მქონე ბენეფიციარების სარეაბილიტაციო კურსის დაფინანსებას. წარმოდგენილი დოკუმენტაციისა და სოციალური მუშაკის სკრინინგის ფორმის ან/და ბავშვისა და ოჯახის შეფასების (დასკვნის) მიხედვით, რომელთა სარეიტინგო ქულა სოციალურად დაუცველი ოჯახების მონაცემთა ერთიანი ბაზის მიხედვით 200 001 ქულამდეა.

**1. პროგრამით ისარგებლებენ:**

1.1. განვითარების ზოგადი აშლილობა (F84.0-F84.9) ჯგუფის შემდეგი დიაგნოზები:

- ა) F84.0 ბავშვთა აუტიზმი;
- ბ) F84.1 ატიპიური აუტიზმი;
- გ) F84.2 რეტის სინდრომი;
- დ) F84.3 ბავშვთა სხვა დეზინტეგრაციული აშლილობა;
- ე) F84.5 ასპერგერის სინდრომი;
- ვ) F84.8 განვითარების სხვა ზოგადი აშლილობანი;
- ზ) F84.9 განვითარების ზოგადი აშლილობა დაუზუსტებელი.

2.2. სხვა გონებრივი ჩამორჩენილობა (F78.0-F78.9) ჯგუფის შემდეგი დიაგნოზები:

- ა) F78.0 სხვა გონებრივი ჩამორჩენილობა. ქცევის აშლილობა არ არსებობს ან მინიმალურია;
- ბ) F78.1 სხვა გონებრივი ჩამორჩენილობა. არსებობს ქცევის მნიშვნელოვანი აშლილობა, რომელიც მოითხოვს ყურადღებას და მკურნალობას;
- გ) F78.8 სხვა გონებრივი ჩამორჩენილობა. სხვა ქცევითი აშლილობანი;”

**მუხლი 2.** განკარგულება ძალაშია ხელმოწერისთანავე.

**მუხლი 3.** განკარგულება შეიძლება გასაჩივრდეს დაინტერესებული პირის მიერ მისი გაცნობიდან ერთი თვის ვადაში, შესტაფონის რაიონულ სასამართლოში (ქ. შესტაფონი, წერეთლის ქ. N7) კანონმდებლობით დადგენილი წესით.

გიორგი ბარათაშვილი

თერჯოლის მუნიციპალიტეტის საკრებულო-  
საკრებულოს თავმჯდომარე

გამოყენებულია კვალიფიციური  
ელექტრონული ხელმოწერა/  
ელექტრონული შტამპი

